

SHERIA NA MASHARTI YA MTUMIAJI WA WORLD COIN t1.0

Karibu kwenye Worldcoin. Sheria hizi baina yako na Tools for Humanity Corporation, kampuni ya Delaware ("Worldcoin", au "sisi") zinatawala matumizi yako na ufikiaji wako wa tovuti na programu za Worldcoin, na utendaji, maudhui, programu, na huduma zote husika tunazokupatia (kwa pamoja, "Huduma").

Tafadhali soma Sheria hizi kwa uangalifu kabla ya kutumia na kufikia Huduma. Ka kufikia na kutumia Huduma zozote tunazotoa, moja kwa moja unakubali kuwa chini ya Sheria hizi na chini ya [Kauli yetu ya Faragha](#), ambayo imejumuishwa kama sehemu ya Sheria hizi.

Tafadhali kumbuka sehemu hizi mbili muhimu za Sheria hizi:

Unakubali kusuluhisha migogoro yoyote baina yako na Worldcoin kupitia mchakato wa usuluhishaji badala ya mahakamani. Tafadhali pitia sehemu iliyo hapa chini kwa kichwa "Usuluhishaji Migogoro; Mchakato wa Usuluhishaji na Uondoaji Kesi ya Kundi" ili kupata maelezo ya kina.

Hakuna kitu chochote katika Huduma kinaashiria ofa ya kuuza, au ushawishi wa ofa ya kununua, hisa zozote. Huduma hazijumuishi ushauri wa uwekezaji. Kumiliki, kununua, au kuuza sarafu za Worldcoin ("WLD") au sarafu nyingine zozote za kidijitali huenda ikawa haijaruhusiwa mahali unakoishi, na ni wajibu wako kuambatana na sheria zote husika. Tafadhali zingatia kama utanunua, kuuza, kutumia, au kumiliki sarafu za kidijitali, pamoja na WLD, ni mwafaka kwako katika hali yako ya kifedha na uelewa wako wa sarafu za kidijitali. Thamani ya WLD na sarafu nyingine za kidijitali huenda ikabadilika kwa haraka na huenda zikapoteza thamani yake yote. Hatutoi hakikisho kwamba tutazindua mtandao wa Worldcoin, kwamba mtandao wa Worldcoin utafanya kazi kama ilivyopangwa, au kwamba sarafu ya WLD itakuwa na thamani.

Arifa. Mara kwa mara, tunakutumia arifa (barua pepe, arafa, na mawasiliano mengine otomatiki) kuhusu Huduma. Unaweza kuchagua jinsi ungependa kupokea arifa hizi kupitia mipangilio ya programu ya Worldcoin. Pia tunaweza kubadilisha mapendeleo yako au kulemaza arifa wakati wowote. Kwa ajili ya hali ambazo hatuwezi kudhibiti, arifu zinaweza kuchelewa au kuzuiliwa. Tutafanya kadiri tuwezavyo ili kukupa arifu kwa wakati na ambazo ni sahihi, lakini hatuwezi kukupa hakikisho zozote. Unaweza kupokea arifa ambazo zinajumuisha jila lako la mtumiaji, salio la akaunti, na maelezo mengine ye akaunti. Ukipokea arifa kupitia arafa, mtoa huduma wako wa simu huenda akakutoza ada za kawaida za arafa.

Faragha na Data Zako. Kauli yetu ya Faragha (iliyo kwenye <https://getworldcoin.com/privacy>) inaelezea data tunazokusanya kutoka kwako na jinsi tuanvyozitumia. Tafadhali usitumie Huduma ikiwa hautaki tukusanye au kutumia data zako kwa njia ambayo imeelezewa katika Kauli ya Faragha.

Ustahiki. Ili kutumia Huduma, ni lazima uambatane na Sheria hizi pamoja na sheria zote husika. Hauwezi kutumia Huduma kuendesha, kukuza, au kuwasaidia wengine kufanya shughuli zozote haramu.

Aidha, ni lazima utimize vigezo vyote vifuatavyo:

- Una umri wa miaka 18 au zaidi; na
- **Haupo** katika, chini ya udhibiti wa, si raia, au si mkaazi wa: Syria, eneo la Crimea la Ukraine, North Korea, Iran, Cuba, au nchi nyingine yoyote au eneo lolote ambalo zimefungiwa biashara ya bidhaa na huduma na Marekani, Umoja wa Ulaya, au nchi au mamlaka nyingine yoyote;
- Wewe si "Raia Mteule Maalum" kama ilivyotangazwa na Ofisi ya Kudhibiti Mali ya Kigeni (Office of Foreign Assets Control, "OFAC") ya Idara ya Hazina ya Marekani au orodha ya vikwazo ya nchi nyingine yoyote, na jina lako lisiwe kwenye Orodha ya Watu Wanaokatazwa ya Idara ya Biashara ya Marekani au orodha za watu waliopigwa marufuku ya nchini nyingine yoyote.

Ikiwa hautimizi mahitaji haya yote, hauruhusiwi kufikia au kutumia Huduma.

Upatikanaji. Kurasa za wavuti zinazoelezea Huduma zinaweza kufikika kote ulimwenguni, lakini hii haimaanishi kwamba Huduma zote au vipengele vyote vya Huduma ni halali au zinapatikana nchini mwako. Ufikiaji Huduma fulani (au vipengele fulani vya Huduma) katika nchi fulani huenda ukazuiliwa nasi au serikali za kigeni. Hauwezi kutumia zana za VPN au zana sawa na hizo ili kuepuka vikwazo

vyovyote. Ni wajibu wako kuhakikisha kwamba matumizi yako ya Huduma ni halali mahali ambako unazitumia. Huduma hazipatikani kwa lugha zote.

Programu ya Worldcoin na Sarafu Zako za Kidijitali.

Programu ya Worldcoin inajumuisha pochi la sarafu za kidijitali na utendaji husiani unaotolewa na Worldcoin pekee. Programu hii ina uwezo wa kukubali WLD na sarafu nyingine zozote za kidijitali tunazochagua kuruhusu (kwa pamoja, "Sarafu Zinazoruhusiwa"). Utendaji huu huenda ukakuhitaji kutoa maelezo ya ziada ya akaunti (yaani, unahitaji kuthibitisha nambari yako ya simu kabla ya kuwaruhusu watumiaji wengine kukupata kwa kutumia nambari yako ya simu). Pochi la sarafu za kidijitali inapatikana kwako kwa msingi ya bila mtunzaji na kukuwezesha kuwa mtunzaji binafsi wa sarafu zako za WLD zako na Sarafu zozote Zinazoruhusiwa. Pia tunaweza kukuruhusu kutumia pochi lako binafsi la sarafu za kidijitali pamoja na programu yetu.

Huduma za Worldcoin, pamoja na programu, zinajumuisha hatari zifuatazo:

Sarafu Zinazoruhusiwa. Wewe ndiye mtunzaji binafsi kikamilifu wa sarafu za WLD na Sarafu Zinazoruhusiwa zilizo kwenye pochi lako la sarafu za kidijitali. Daima utakuwa mmiliki wa Sarafu zozote za Kidijitali zilizo kwenye pochi lako la sarafu za kidijitali, na utakubali hatari yote ya hasara inayohusiana na matumizi yako ya Huduma ili kudhibiti Sarafu zako za Kidijitali. Hatudhibiti daftari la blockchain ya Worldcoin wala daftari la Sarafu nyingine yoyote ya Kidijitali, na hatuna uwezo wa kughairi au kubadilisha miamala ya Akaunti yako.

Sarafu Zinazoruhusiwa zi sarafu la kisheria na haziungwi mkono na serikali yoyote rasmi. Sheria zinazotawala Sarafu Zinazoruhusiwa zinabadilika kila wakati na huenda ikaathiri uwezo wako wa kutumia, kutuma, au kubadilisha Sarafu Zinazoruhusiwa. Hatari ya kupoteza thamani ya Sarafu Zinazoruhusiwa huenda ikawa kubwa na hasara zinaweza kutokea kwa muda mfupi. Hatuna dhima kwa ajili ya mabadiliko yoyote ya thamani ya Sarafu zako Zinazoruhusiwa.

Kupoteza Maelezo ya Kuingia kwenye Akaunti. Unapochagua kuturuhusu kukutengenezea pochi la sarafu za kidijitali, programu yetu inatengeneza ufunguo uliosimbwa wa faraghani na wa hadharani ambao unaweza kutumia kutuma na kupokea WLD na Sarafu nyingine zozote Zinazoruhusiwa. Tunaweza kukuruhusu kuhusisha programu yako na pochi lako kwa kutumia nenosiri au manenosiri (kwa pamoja, "Maelezo ya Kuingia kwenye Akaunti"). Hatuwezi kurejesha Maelezo Yako ya Kuingia kwenye Akaunti wala kurejeshwa uwezo wa kuingia kwenye programu au pochi la sarafu za kidijitali ukipoteza au ukisahau Maelezo yako ya Kuingia kwenye Akaunti. Tunakuhamasisha kwamba uweze hifadhi rudufu ya Maelezo ya Kuingia kwenye Akaunti, lakini wajibu ni wako binafsi wa kudhibiti na kudumisha Maelezo yako ya Kuingia Kwenye Akaunti. Worldcoin haina wajibu wa kudumisha Maelezo yako ya Kuingia Kwenye Akaunti, kwa ajili ya ufikiaji wowote ambao haujaidhinishwa, au kwa ajili ya kupoteza Sarafu zozote Zinazoruhusiwa.

Ada za Mtandao. Hatukutozi ada zozote za matumizi ya Huduma. Hata hivyo, mifumo ya programu inayowezesha miamala katika Sarafu zako Zinazoruhusiwa huenda ikatoza ada, na inaweza kupatiana ada hiyo kwa watumiaji wengine wanaolinda uhalali na usahihi wa miamala ("Ada za Mtandao"). Tunaweza kukadiria Ada ya Mtandao kabla ya kutekeleza muamala, lakini hatudhibiti kiwango cha Ada yoyote ya Mtandao na si wajibu wetu ikiwa kadirio letu la Ada zako za Mtandao si sahihi. Baadhi ya mifumo ya programu ya Sarafu Zinazoruhusiwa huenda ikakuruhusu kuchagua kiwango cha Ada ya Mtandao. Ni wajibu wako kibinafsi kulipia Ada za Mtandao na chaguo lako la kiwango utakacholipia, na hatutagharimia wala kufadhili Ada zozote za Mtandao kwa niaba yako.

Mifumo Tanzu. Programu inayotumiwa kutengeneza WLD ni ya wazi na bila malipo kwa mtu yeyote anayetaka kuinakili na kuitumia. Hii inamaanisha kwamba mtu yeyote anaweza kutengeneza toleo lililobadilishwa la WLD, linaloitwa "Mfumo Tanzu." Endapo kutakuwa na Mfumo Tanzu au ubadilishaji mwingine wowote wa mtandao wa Sarafu Zinazoruhusiwa, huenda hatutaweza kusaidia au kuunga mkono shughuli zozote zinazohusiana na Mfumo huo Tanzu. Miamala huenda ikakosa kukamilishwa, ikakamilishwa nusu, ikakamilishwa visivyo sahihi, au kucheleweshwa pakubwa wakati Mfumo Tanzu unapotokea. Hatuwajibikii hasara zozote zinazokukumba ambazo zinasababishwa kikamilifu au kwa sehemu tu na Mfumo Tanzu au mabadiliko mengine kwenye mtandao.

Matumizi Yanayokubalika

Unaweza tu kutumia Huduma kwa matumizi yako ya Kibinafsi pekee. Daima tunahifadhi haki, na kwa hiari, ya kuhakiki, kughairi au kukatiza ufikiaji wako au matumizi yako ya Huduma, vipengee kwenye orodha ya Matumizi Yalikatazwa ni mfano tu na orodha hii si yote; huenda tukaongeza au kuondoa matumizi yaliyokatazwa kwa hiari yetu.

Matumizi Yaliyokatazwa yanajumuisha:

Shughuli Haramu: Shughuli yoyote ambayo inaweza kukiuka, au kusaidia katika ukiukaji wa, vikwazo vilivyowekwa na OFAC; kukiuka, au kusaidia katika ukiukaji wa, sheria zozote katika nchi ambako Worldcoin inafanya biashara; kuhusisha faida kutokana na shughuli haramu; au kuchapisha, kusambaza, au kusambaza nyenzo zozote au maelezo yoyote haramu.

Matumizi Kupindukia au Udukuzi: Shughuli yoyote ambayo inaweka miundombinu yetu kazi nyingi kupindukia; inaathiri vibaya, kuhitilafiana, au kudhuru mfumo, data, au maelezo yoyote; inatuma au kupakia nyenzo zozote kwenye Huduma ambazo zina virusi, au programu nyingine zozote haribifu au za kufuta; au inajaribu kuingia bila idhini kwenye mifumo au mitandao ya kompyuta iliyounganishwa na huduma.

Matumizi Mabaya: Shughuli yoyote ambayo inahitilafiana na ufikiaji au matumizi ya Huduma ya mtu mwingine; inaharibia jina, kulaghai, kunyanyasa, kumtishia, au vinginevyo kukiuka haki za faragha, hakimiliki, au haki nyingine za kisheria za mtu mwingine; inachochea, kutishia, kuwezesha, kukuza, au kuhamasisha chuki, ubaguzi wa mbari, au matendo ya uhalifu dhidi ya wengine; au inavuna, kutohoa, au kukusanya Data za mtumiaji mwingine kutoka kwenye Huduma bila kibali.

Ulaghai na Matendo Mengine ya Biashara isiyo ya Haki: Shughuli yoyote ambayo inafanywa ili kulaghai Worldcoin, watumiaji wa Worldcoin, au mtu mwingine yeyote; inatoa maelezo ya uwongo, yasiyo sahihi, au potovu kwa Worldcoin; inahidi faida kubwa zisizoeleweka au kuuza huduma bila manufaa kwa mnunuaaji; au inaendeleza matendo mengine ya uwongo pamoja na michezo isiyo halali ya pata potea, mashindano, kamari, au michezo mingine ya bahati nasibu.

Ukiukaji Hakimiliki: Shughuli yoyote ambayo inahusisha mauzo, usambazaji, au ufikiaji muziki, filamu, programu ghushi, au nyenzo nyingine zinazotumia leseni bila idhini mwafaka kutoka kwa wamiliki hakimiliki; inatumia hakimiliki ya Worldcoin, jina, au nembu, pamoja na matumizi ya alama za kibiashara au huduma za Worldcoin, bila idhini ya moja kwa moja au kwa njia ambayo inadhuru Worldcoin au biashara ya Worldcoin; inaashiria kwa uwongo kwamba Worldcoin inaunga mkono au inahusika; au inakiuka hakimiliki, alama ya kibiashara, haki ya kuwekwa hadharani au faraghani, au haki nyingine yoyote ya hakimiliki chini ya sheria.

Kutegemea Maudhui; Mabadiliko kwenye Huduma. Maelezo na nyenzo tunazokupa kupitia Huduma (“Maudhui”) ni ya kimaelezo pekee, na hatutoi hakikisho kuhusiana na usahihi, umuhimu, au ukamilifu wake. Unapotegemea Maudhui yetu unafanya hivyo kwa shauri yako. Hatuna dhima wala wajibu kwa hatua zozote unazochukua au kutochukua kwa sababu ya maudhui, au kwa mtu yeyote unayemtumia Maudhui. Kauli za watumiaji wengine wakielezea jinsi wanavyotumia Huduma zilizo kwenye Huduma au mahali kwingineko hazipaswi kuchukuliwa kama tunaunga mkono kauli zao ikiwa kauli hizo haziendani na Sheria hizi au Maudhui yetu. Tunaweza kusasisha Maudhui mara kwa mara, lakini Maudhui hayo huenda yakakosa kuwa kamilifu au iliyosasishwa, hatuna jukumu kwako la kusasisha Maudhui au sehemu nyingine yoyote ya Huduma. Tunaweza kubadilisha au kusitisha, kwa muda tu au kabisa, Maudhui au Huduma zote au sehemu yoyote yake bila ilani ya awali kwako. Hatutakuwa na dhima kwa mabadiliko, uahirishaji, au usitishaji wowote wa Maudhui au Huduma zote au sehemu yake.

Huduma na Maudhui ya Wahusika Wengine. Tunaweza kupatiana viungo elekezi vya nyenzo za kielimu, webinar, mikutano, na promosheni kwenye mitandao ya kijamii (“Huduma za Wahusika Wengine”) ambayo inawezesha kushiriki na ushirikiano miongoni mwa watumiaji wa Worldcoin na wahusika wengine. Ukishiriki maelezo yoyote ya kibinafsi, picha, maoni, maudhui, au Data nyingine zozote kwenye huduma hizo, unafanya hivyo kwa shauri yako, na matumizi yako ya huduma hizo upo chini ya sheria za matumizi na sera za faragha za huduma hizo, na sio zetu. Unapaswa kupitia sheria za matumizi za kila Huduma ya Mhusika Mwingine ili kuelewa vyema haki zako, na jinsi ambavyo majukwaa hayo yanavyotumia Data zako. Hatuwajibikii hasara, udukuzi, au matumizi yoyote mabaya ya Data zako vyovyote vile kuhusiana na Huduma yoyote ya Mhusika Mwingine (pamoja na utelekezaji) isipokuwa iwe dhima hiyo haiwezi kuzuiliwa chini ya sheria huasika. Matumizi yako ya maelezo yoyote yanayotolewa na Huduma ya Mhusika Mwingine (“Maudhui ya Wahusika Wengine”) ni kwa shauri yako, na hatukupi ahadi zozote kwamba Maudhui ya Wahusika Wengine ni sahihi, kamilifu, halali, au mwafaka kwa hali yako binafsi. Maudhui ya Wahusika Wengine yanajumuisha maelezo yaliyotolewa na watumiaji wengine wa Worldcoin na hatujayaunga mkono.

Wahudumu wa Orb. Tunashirikiana na wakandarasi huru wa nchini wanaoitwa “Wahudumu wa Orb,” ambao wanawezesha shughuli ya kuwasajili watumiaji na kusaidia kujibu maswali ambayo huenda ukawa nayo kuhusu Worldcoin. Wahudumu hawa wa Orb wamepokea mafunzo na wanajua mengi kuhusu Worldcoin. Hata hivyo, hatuna uhabiti wa na tunakanusha dhima yote inayotokana na wanachosema au jinsi wanavyoendesha shughuli zao. **Wahudumu wa Orb si maajenti wala waajiriwa wa Worldcoin kwa njia yoyote. Juhudi, mchakato, sera, kanuni, au jitihada zozote zinazochukuliwa na Worldcoin kwa ajili ya maslahi ya watumiaji wake haiashirii uhusiano wa kiajira au kiajenti na Mhudumu wa Orb.**

Haki Zetu kwa Maudhui Unayotoa. Kama memba wa jamii wa Worldcoin, huenda ukachapisha ujumbe, data, picha, video, au maudhui mengine ("Maudhui ya Mtumiaji") kwenye ubao wa ujumbe, blogi, akaunti za mitandao ya kijamii inayomilikiwa na Worldcoin, pamoja na maeneo mengine yanayopatikana hadharani kwenye Huduma. Majukwaa haya huenda ni sisi tunayandaa au kuandaliwa na Mtoa Huduma Mwingine kwa niaba yetu. Unawajibikia Maudhui yote ya Mtumiaji ambayo unawasilisha, kupakia, kuchapisha, au kuhifadhi kupitia Huduma. Ni lazima uto maonyo, maelezo, na ufichuaji wote unaohitajika na mwafaka kuhusiana na Maudhui yako ya Mtumiaji. Hatuwajibikii Maudhui yote ya Mtumiaji ambayo unawasilisha kupitia Huduma.

Kwa kuwasilisha Maudhui ya Mtumiaji kwetu, unawakilisha kwamba una haki zote zinazohitajika kwenye Maudhui hayo ya Mtumiaji na kwa hivyo kutupatia leseni ya milele, ya kote ulimwenguni, isiyo ya kipekee, bila hakimiliki, inayoweza kutolewa leseni ndogo, na inayoweza kuhamishika ya kutumia, kusambaza, kuandaa kazi tohozi, kubadilisha, kuonyeshana, na kutekeleza maudhui yote ya Mtumiaji au sehemu yake katika uuzaji na promosheni za Worldcoin, na malengo mengine halali ya kibiashara yanayohusiana na Huduma. Tunaweza kusambaza tena kazi tohozi za Maudhui yako ya Mtumiaji kwa mfumo wowote na kupitia vyombo vyovyote vya habari tunavyochagua. Hapa pia unapatia Worldcoin na watumiaji wengine leseni isiyo ya kipekee ya kutumia, kufikia, kuzalisha tena, kusambaza, kubadilisha, na kuonyeshana, na kutekeleza Maudhui yako ya Mtumiaji kupitia Huduma.

Unakubali kutotumia, kutoruhusu mhusika mwingine yeyote kutumia, Huduma kuchapisha au kutuma Maudhui yoyote ya Mtumiaji ambayo: (a) yanaharibiana jina au sifa, au kufichua masuala ya faraghamu na ya kibinafsi kumhusu mtu yeyote; (b) ni chafu, ya uchi, ya kunyanyasa, ya kutishia, ya chuki, ya kuudhi kwa misingi ya mbari au kabila; ya kuhamasisha tabia ambayo inaweza kuchukuliwa kuwa hatia ya kijinai, inaweza kupelekea dhima ya umma, au ya kukiuka sheria yoyote, au vinginevyo haifai; (c) inaweza kukiuka hakimiliki za wengine, pamoja na maandishi, ujumbe au programu, siri za kibiashara zenye hakimiliki au maelezo mengine ya hakimiliki, au alama za kibiashara au huduma zinazotumika kwa njia inayokiuka; au (d) inayohitilafiana na matumizi ya Huduma na watumiaji wengine wa Worldcoin. Unawakilisha kwetu kwamba unachapisha Maudhui ya Mtumiaji kwenye Huduma kwa hiari; kwa kuchapisha Maudhui ya Mtumiaji hakuleti uhusiano wa Mwajiri na mwajiriwa baina yako nasi. Hauwezi kunakili wala kutumia anwani za barua pepe, nambari za simu, salio, majina ya mtumiaji, au maelezo nyingine ya kibinafsi kuhusu watumiaji wengine wa Worldcoin bila kibali chao. Barua pepe, barua, simu, au mawasiliano mengine bila maana kwa watumiaji wengine wa Worldcoin kupitia Huduma au kwa mbinu nyingine yoyote kumepigwa marufuku.

Sheria za Ziada. Sheria na masharti ya ziada huenda yakatumika kwa matumizi, Maudhui, vipengele, au sehemu maalum za Huduma, na sheria na masharti hayo yote ya ziada tutakayokupatia yatakuwa sehemu ya Sheria hizi.

Kufikia. Ili kufikia Huduma, unahitaji kompyuta au simu tamba ambayo inaweza kuruhusu programu yetu na ina uwezo wa kuunganisha na Intaneti. Uwezo wetu wa kutoa Huduma hizi kwako unategemea ubora wa Intaneti na miunganisho ya mitandao yetu na yako, uaminifu wa vifaa vyako, na hali nyingine ambazo hatuwezi kudhibiti. Hatuwajibikii hasara zozote zinazokukumba ikiwa ufikiaji wako au wetu wa Intaneti umedakizwa.

Matumizi ya Huduma Ukitumia Kifaa Chako Tamba. Huduma zinaweza kupatikana kwako kupitia kifaa tamba kinachoruhusika, na ili kufikia utendaji fulani huenda ukahitaji kupakua, kusakinisha, na kuwa na programu tamba ya Worldcoin ("App"). Kufikia Huduma. Unakubali kwamba unawajibikia kutimiza mahitaji haya, kulipia ada zozote zinazohitajika, kusakinisha visasishe vya programu, na kuambatanana na sheria za makubaliano yako na na mtoa huduma wako wa kifaa tamba na mawasiliano ya simu. **HATUTOI WARANTI ZA MOJA KWA MOJA, ZA KISHERIA AU ZILIZOASHIRIWA AU UWAKILISHO WOWOTE WA HAKIKISHO LA AINA YOYOTE LA: (A) UPATIKANAJI WA HUDUMA ZA MAWASILIANO YA SIMU KUTOKA KWA MTOA HUDUMA WAKO NA UFIKIAJI WA HUDUMA HIZO WAKATI WOWOTE AU MAHALI KOKOTE; (B) HASARA, UHARIBIFU, AU UKIUKAJI WOWOTE MWINGINE WA USALAMA WA HUDUMA ZA MAWASILIANO YA SIMU (C) UFICHUAJI WOWOTE WA DATA ZAKO KWA WAHUSIKA WENGINE NA MTOA HUDUMA WAKO WA MAWASILIANO YA SIMU, AU KUKOSA KUTUMA DATA, MAWASILIANO AU MIPANGILIO YOYOTE INAYOHUSIANA NA HUDUMA ZA WORLD COIN.**

Hakimiliki. Programu, Huduma, Maudhui na Alama zetu za Worldcoin (kama ilivyobainishwa hapa chini) na muundo, chaguo, na mpangilio wa Maudhui katika Huduma ("Hakimiliki ya Worldcoin") zinalindwa na hakimiliki, haki za alama za kibiashara, hataza, na hakimiliki nyingine na sheria za Marekani na za nchi nyingine husika. Unakubali kuheshimu hakimiliki na sheria zote, na pia ilani zozote au vikwazo vyovyote vya alama za kibiashara au hakimiliki vilivyo katika Makubaliano haya au Huduma. Hauwezi kuondoa ilani zozote za hakimiliki, alama za kibiashara, au hataza zilizo kwenye Hakimiliki ya Worldcoin. Chini ya uambatanaji wako na Sheria hizi, tunakupatia leseni yenye kipimo, isiyo, inayoweza kubatilishwa, isiyo ya kipekee, isiyoweza kuhamishika ya Hakimiliki ya Worldcoin, kwa

matumizi tu tulioidhinisha. Matumizi mengine yoyote ya Hakimiliki ya Worldcoin yamepigwa marufuku, haki, umiliki na nia nyingine zote katika Hakimiliki ya Worldcoin zitasalia kuwa mali ya Worldcoin pekee. Umpigwa marufuku ya kubadilisha, kunakili, kuonyeshana, kusambaza, kutuma, kuchapisha, kuuza, kupeana leseni, kutengeneza kazo tohozi, au kutumia sehemu yoyote ya Hakimiliki ya Worldcoin kwa malengo ya kibiashara au umma bila kibali chetu kwa maandishi au kama ilivyoruhusiwa moja kwa moja na sheria husika.

Alama za Kibiashara. Jina Tools for Humanity Corporation, jina Worldcoin na muundo wake, nembo ya “Seven Hands” pamoja na nembo zote husiani, na kauli mbio ni alama za kibiashara au huduma za Tools for Humanity Corporation (“Alama za Worldcoin”). Hauwezi kunakili, kuiga, au kutumia Alama za Worldcoin, zikiwa nzima au sehemu yake, bila kibali chetu kwa maandishi. Alama za kibiashara, majina, au nembo nyingine zote zilizotajwa kuhusiana na Huduma ni mali ya wamiliki wake halisi na hauwezi kunakili, kuiga, au kuzitumia, zikiwa nzima au sehemu yake, bila kibali kwa maandishi cha mmiliki wa alama husika ya kibiashara. Ujumuishaji wa alama zozote za wahusika wengine katika Huduma hakumaanishi kwamba tunawaunga mkono, au tunawapendekeza.

Malalamishi na Maudhui Kuondolewa kwa Ajili ya DMCA. Ikiwa unaamini kwamba alama yako ya kibiashara au kazi yenye hakimiliki imekiukwa na Maudhui yetu au Maudhui ya Mtumiaji kwenye Huduma au vinginevyo inachapishwa kwa njia ambayo inaashiriwa kwamba inaunga mkono au inahusiana na Worldcoin, tafadhali tutumie barua pepe kwa anwani hello@worldcoin.org ikiwa na mada ya “[Trademark/Copyright] Complaint,” bila kujali tukio husika. Ili lalamishi lako liwe fanisi na ili sisi tuweze kuchukua hatua chini ya Sheria ya Hakimiliki ya Milenia ya Kidigitali (Digital Millennium Copyright Actm, “DMCA”), ni lazima ufuate mahitaji ya DMCA kwa kujumuisha maelezo yafuatayo katika barua pepe yako:

- Utambuaji wazi wa kazi au alama iliyo na hakimiliki ambayo unadai imekiukwa, pamoja na nambari ya Usajili wa Hakimiliki ikiwa kazi hiyo imesajiliwa;
- Utambulisho wa kazi au alama ambayounadai imekiukwa na ambayo ungependa iondolewe;
- Kiungo elekezi au mwelekeo mwingine wazi wa kutuiwezesha kupata maudhui ambayo yanakiuka;
- Anwani yako ya barua pepe, anwani ya barua, na nambari ya simu; na
- Kauli iliyotiwa sahihi kwamba una imani kwa nia nzuri kwamba maudhui yanakiuka, kwamba maelezo unayotoa ni sahihi, na kwamba wewe ndiye mmiliki au umeidhinishwa kumwakilisha mmiliki wa maudhui hayo.

Pia unapaswa kuelewa kwamba chini ya Sehemu ya 512(f) ya DMCA, mtu yeyote ambaye anatuma ilani za uwongo za ukiukaji huenda akawa na dhima kwa hasara, kwa hivyo tafadhali usifanye madai ya uwongo. Tunaweza kushiriki maelezo au mawasiliano yoyote unatupatia uliyofanya na wahusika wengine, pamoja na mtu aliyepakia kwenye Huduma nyenzo zinazodaiwa kukiuka.

Tunapopokea ilani ya *kweli* ya ukiukaji, sera yetu ni: (a) kuondoa mara moja au kulemaza ufikiaji wa maudhui yanayokiuka; (b) kumwarifu mtu aliyepakia maudhui yanayokiuka kwamba tumeondoa au tumelemaza ufikiaji wa maudhui hayo; na (c) kwa wanaorudia hatia, kusitisha uwezo wao wa kufikia Huduma. Tukipokea ilani ya kukataa kutoka kwa mtu huyo, tunaweza kukutumia nakala ya ilani hiyo ya kukataa ili kuelezea kwamba huenda tukarejesha maudhui yaliyoondolewa au tukaacha kuyaleleza ndani ya siku 10 za biashara. Isipokuwa uwasilishe kesi ukitaka amri ya mahakama dhidi yetu au dhidi ya mtu ambaye alipakia maudhui hayo, tutarejesha ufikiaji wa maudhui yaliyoondolewa ndani ya siku 10 hadi 14 za biashara au nyingi zaidi baada ya kupokea ilani ya kukataa, kwa hiari yetu.

KANUSHO LA HAKIKISHO. MATUMIZI YAKO YA HUDUMA NI KWA SHAURI YAKO. HUDUMA, MAUDHUI NA HAKIMILIKI NYINGINE ZOTE ZA WORLDCOIN ZINATOLEWA “KAMA ZILIVYO” NA “KAMA ZINAVYOPATIKANA” BILA UWAKILISHO AU HAKIKISHO LOLOTE, IWE NI MOJA KWA MOJA, IMEASHIRIWA, AU CHINI YA SHERIA. KWA KIWANGO KINACHORUHUSIWA NA SHERIA HUSIKA, WORLDCOIN INAKANUSHA HAKIKISHO ZOZOTE ZILIZOASHIRIWA ZA UMILIKI, KIBIASHARA, UZIMA KWA AJILI YA DHUMUNI FULANI, AU KUTOKIUKA KUHUSIANA NA VIPENGELE, MAUDHUI, AU HAKIMILIKI NYINGINE YA WORLDCOIN ILIYO KATIKA HUDUMA. BAADHI YA MAENEO YA MAMLAKA HAYARUHUSU KUTOJUMUISHWA KWA HAKIKISHO ZILIZOASHIRIWA, KWA HIVYO KUTOJUMUISHWA HUKU HUENDA KUKAKOSA KUKUATHIRI. HATUUNGAMI, KUHAHAKIKISHIA, AU KUWAJIBIKIA MATANGAZO, OFA, AU KAULI ZOZOTE ZINAZOTOLEWA NA WAHUSIKA WENGINE, PAMOJA NA WATUMIAJI WENGINE WA WORLDCOIN KUHUSIANA NA HUDUMA.

WORLD COIN HAITOI UWAKILISHO AU HAKIKISHO ZOTOTE KWAMBA (A) UFIKIAJI WA HUDUMA ZOTE AU SEHEMU YAKE UTAKUWA ENDELEVU, BILA KUDAKIZWA, KWA WAKATI, SALAMA, AU BILA HITILAFU; (B) KWAMBA HUDUMA AU MAUDHUI NI SAHIHI, KAMILIFU, AMINIFU, AU YA SASA; (C) KWAMBA HUDUMA HAZINA VIRUSI AU VIPENGELE VINGINE HARIBIFU; AU (D) KWAMBA HUDUMA AU MAUDHUI YATATIMIZA MAHITAJI, AU MATARAJIO YAKO.

AIDHA, WORLD COIN HAITOI UWAKILISHO AU HAKIKISHO ZOTOTE KUHUSIANA NA UHALALI WA HUDUMA KWA MATUMIZI YOYOTE, AU KWAMBA HUDUMA ZITATIMIZA MAHITAJI YOYOTE YA KIUDHIBITI AU UAMBATANAJI. UNA WAJIBU WA KUBAINISHA NA KUAMBATANA NA VIKWAZO NA MAHITAJI YOTE YA KISHERIA NA KIUDHIBITI AMBAYO YANATAWALA MATUMIZI YAKO YA HUDUMA. ISIPOKUWA KWA KAULI ZA MOJA KWA MOJA ZILIZOBAINISHWA KATIKA SHERIA HIZI, HAPA UNAKIRI NA KUKUBALIANA KWAMBA HAUJATEGEMEA KAULI NYINGINE YOYOTE AU UELEWA MWINGINE WOWOTE, IWE NI KWA MAANDISHI AU MATAMSHI, KUHUSIANA NA UFIKIAJI NA MATUMIZI YAKO YA HUDUMA.

WORLD COIN HAITENDI NA HAIWEZI KUTENDA KAMA MSHAURI WAKO KUHUSIANA NA MASUALA YOYOTE AU KIFEDHA, KISHERIA, UWEKEZAJI, NA USHURU. MAUDHUI YOTE YALIYOTOLEWA NA WORLD COIN NI YA KIMAELEZO JUMLA, NA UNA WAJIBU WA KUBAINI KANA KWAMBA UTATUMIA HUDUMA AU LA. UNATAMBUA KWAMBA KUFANYA BIAHARA, KUTUMIA, NA KUMILIKI SARAFU ZA KIDIJITALI KUNA HATARI KUBWA. UNaweza UKAPOTEZA FEDHA ZAKO ZOTE ZILIZO KWENYE POCHI LA SARAFU ZA KIDIJITALI. UNATAMBUA KWAMBA HUDUMA INaweza KUWA CHINI YA VIKWAZO VYA UUZAJI NJE YA NCHI NA VIKWAZO VYA KIUCHUMI VINAVYOWEKWA NA SHERIA YA MAREKANI.

KIPIMO CHA DHIMA. Kwa kiwango kinachoruhusiwa na sheria, unakubaliana kwamba hakuna wakati sisi au maafisa, wakurugenzi, waajiriwa, wakandarasi, maajenti, washirika wetu, au kampuni zetu tanzu ("Wahusika wa Worldcoin") tutakuwa na dhima kwako kwa ajili ya hasara zozote zisizo za moja kwa moja, za kiadhabu, za bahati mbaya, maalum, zinazotokana na jambo lingine, au za kuigwa, pamoja na hasara za kupoteza faida, nia nzuri, matumizi, data, au mali nyingine isiyoweza kugusika, iwe dhima hiyo imewekwa kwa msingi wa ukiukaji au vinginevyo, au iwe Wahusika wa Worldcoin wamefahamishwa au hawajafahamishwa kuhusu uwezekano wa hasara hizo zinazohusiana au kutokana na: (a) matumizi yako au wewe kutoweza kutumia Huduma, Sarafu zako za Kidijitali, au mtandao wa Worldcoin; (b) kutoweza kufikia au kusitishwa kwa Huduma; (c) udukuzi, hitilafu, ufikiaji bila idhini au ubadilishaji wa muamala wowote au Data zako; (d) muamala au makubaliano yoyote yanayofanyika baina yako na mhusika mwingine kupitia Huduma; (e) shughuli au mawasiliano yoyote na wahusika wengine; (f) matendo ya Wahudumu wa Orb, (g) upotezaji wowote wa thamani ya Sarafu zozote Zinazoruhusiwa; (h) Maudhui yoyote ya Wahusika Wengine yanayofikiwa kwenye au kupitia Huduma; (i) hitilafu, makosa, au kasoro kwenye Maudhui yetu; (j) majeraha ya kibinafsi au uharibifu wa mali wa aina yoyote ile unaotokana na ufikiaji wowote na matumizi ya Huduma; (k) virusi, au virusi vinavyoweza kutumwa kwenye au kupitia Huduma; au (l) tabia ya kuharibia jina, inayodhuru, au haramu ya mhusika mwingine yeyote. Kipimo hiki cha dhima kitatumika ikiwa hasara zinaibuka kutoka na matumizi au matumizi mabaya ya, au kwa ajili ya kutegemea Worldcoin au Huduma, bila kujali kutofaulu kwa lengo muhimu la suluhu yoyote na kwa kiwango kamili kinachoruhusiwa na sheria husika.

Hakuna wakati ambapo Wahusika wa Worldcoin watakuwa na dhima kwako kwa ajili ya madai, kesi, dhima majukumu, uharibifu, hasara, au gharama zozote za moja kwa moja kwa kiwango kinachozidi \$100.00. Ikiwa haujaridhika na Huduma, unakubaliana kwamba suluhu yako pekee itakuwa ya wewe kuacha kutumia Huduma. Kipimo hiki cha dhima kitatumika kwa kiwango kamili kinachoruhusiwa na sheria husika. Baadhi ya mamlaka za maeneo haziruhusu kutojumuishwa kwa hakikisho fulani au vipimo kwenye au kutojumuishwa kwa dhima na hasara fulani. Ipasavyo, baadhi ya makanusho na vipimo vilivyobainishwa katika Sheria hizi huenda zisitumike kwako.

Kibali na Uondoaji Lawama. Unakubali kutetea, kuondolea lawama, na kuchukulia Wahusika wa Worldcoin kuwa wasiodhuru dhidi ya madai, hasara, gharama, dhima, na ada za wakili zinazoletwa dhidi ya Mhusika wa Worldcoin na mhusika yeyote mwingine kuhusiana na kutokana na: (a) matumizi yako ya Huduma; (b) ukiukaji wako wa Sheria hizi; (c) ukiukaji wako wa haki za mtu mwingine; (d) tabia yako kuhusiana na Huduma; au (e) matumizi yako ya WLD, Sarafu zozote Zinazoruhusiwa, au mtandao wa Worldcoin. Baadhi ya mamlaka zinawekea kipimo kiwango cha uondoaji lawama wa watumiaji, kwa hivyo baadhi ya vipengele au vipengele vyote katika aya hii huenda visikuathiri. Ikiwa una jukumu la kumwondolea lawama Mhusika yeyote wa Worldcoin, tunahifadhi haki, kwa hiari yetu binafsi, ya kudhibiti hatua au kesi yoyote na kubaini kana kwamba tutafidiana na kwa masharti gani.

IKIWA WEWE NI MKAASI WA CALIFORNIA, unaondoa haki zako za kupata manufaa na kinga za sheria ya *California Civil Code § 1542*, ambayo inajumuisha: "[a] kibali jumla hakitumiki kwa madai kwamba mtoa kibali hajui au hadhanii kuwa angenufaika wakati alipokuwa akiidhinisha kibali na kwamba, ikiwa alikuwa anajua, ingeathiri pakubwa kiwango cha fidia kutoka kwa anayepokea kibali."

Sheria Inayotawala. Unakubali kwamba, bila kujali ukinzani wa sheria, sheria za Jimbo la California zinatawala Sheria hizi na mgogoro wowote baina yako nasi. Unakubali zaidi kwamba Huduma itachukuliwa kuwa ya Jimbo la California pekee, na kwamba ingawa Huduma zinaweza kupatikana katika maeneo mengine ya mamlaka, upatikanaji wake hauibui mamlaka ya kijumla au kibinafsi katika jukwaa lolote nje ya Jimbo la California.

USULUHISHAJI MIGOGORO, MCHAKATO WA USULUHISHAJI NA UONDOAJI KESI YA KUNDI.

TAFADHALI SOMA AYA ZIFUATAZO KWA MAKINI. ZINAKUHITAJI WEWE KUSULUHISHA MIGOGORO NA WORLDCOIN KUPITIA MCHAKATO WA USULUHISHAJI BINAFSI MBELE YA MSULUHISHAJI MMOJA, NA SIO KAMA MMOJA YA WANAOLETA KESI YA KUNDI. MCHAKATO WA USULUHISHAJI UNAKUZUIA KUTOTUSHTAKI MAHAKAMANI AU KUTOKUWA NA KESI MBELE YA HAKIMU, INGAWA UNAWEZA KULETA MGOGORO DHIDI YETU KATIKA MAHAKAMA YA MADAI MADOGO IKIWA UNASTAHIKI.

Tutatumia jitihada zetu bora kusuluhisha migogoro yoyote inayoweza kutokea kupitia majadiliano yasiyo rasmi ya nia nzuri. Endapo mgogoro utaibuka, ni lazima uwasiliane nasi kwa kututumia barua pepe kwa anwani hello@worldcoin.org ili tuweze kujaribu kuusuluhisha bila kutumia mchakato rasmi wa usuluhishaji migogoro. Ikiwa hatutaweza kufikia suluhu kwa njia isiyo rasmi ndani ya siku 60 za kutumiana barua pepe, na uchague kuibua dai kulingana na sheria ya shirikisho au jimbo, sheria ya kawaida, kulingana na mkataba, ukiukaji, ulaghai, maelezo potovu au msingi mwingine wowote wa kisheria, au kesi nyingine yoyote rasmi inayohusiana au kutokana na Sheria hizi, Maudhui au Huduma (kila moja, "Mgogoro"), kisha ukubali kusuluhisha Mgogoro huo kupitia mchakato wa usuluhishaji unaokufunga, kwa msingi wa mtu binafsi kulingana na masharti yafuatayo (kwa pamoja, "Makubaliano ya Mchakato wa Usuluhishaji"):

- Mchakato wa usuluhishaji utafanywa faraghani na msuluhishaji mmoja kulingana na Sheria za Usuluhishaji Rahisi za JAMS (JAMS Streamlined Arbitration Rules), isipokuwa iwe kiwango kilichokadiriwa cha Migogoro yako ni \$250,000 au zaidi, ambapo Sheria za Usuluhishaji Mgumu za JAMS (JAMS Comprehensive Arbitration Rules) zitatumika;
- Mchakato wa usuluhishaji utafanyika mjini San Francisco, California, isipokuwa wewe na sisi tukubaliane kuufanyia kwingineko.
- Msuluhishaji atatumia vipengele vya kipimo na sheria nyingine zote kuu kulingana na Sheria za Usuluhishaji za Shirikisho (Federal Arbitration Act), *9 U.S.C. §§ 1 hadi 16*, na ataheshimu haki ya kutofichua maelezo fulani yanayotambuliwa na sheria husika;
- Mahakama za jimbo au shirikisho zilizo mjini San Francisco County, California zitakuwa na mamlaka ya kipekee ya kushughulikia kesi zozote za rufaa kuhusiana na uamuzi wa msuluhishaji na juu ya Mgogoro wowote baina ya wahusika ambao hawawezi kutumia mchakato wa usuluhishaji;
- Katika mchakato wowote wa usuluhishaji, wahusika hawataomba kufahamishwa awali kuhusu ushahidi wa mhusika yule mwingine, naye msuluhishaji hatawaruhusu wahusika kuhusika katika kufahamishana awali kuhusu ushahidi wa kila upande; badala yake, kila mhusika atafichua ushahidi wake katika saa na tarehe itayokubalianwa kabla ya kipindi cha mwisho cha mchakato wa usuluhishaji;
- Makubaliano haya ya Usuluhishaji yanasimamia uwezo wa kutekelezeka, uwezo wa kubatilishwa, wigo, na uhalali wa Makubaliano ya Mchakato wa Usuluhishaji au sehemu yoyote ya Makubaliano ya Mchakato wa Usuluhishaji, na Migogoro mingine yote inayoibuka kuhusiana au kutokana na ufafanuzi au matumizi ya Makubaliano ya Mchakato wa Usuluhishaji; na masuala hayo yote yataamuliwa na msuluhishaji na sio mahakama wala hakim;
- Ikiwa msuluhishaji au msimamizi wa mchakato wa usuluhishaji atakutoza ada za kuandikisha madai au gharama nyingine za ofisi, tutakufidia, baada ya ombi, kwa kiwango ambacho ada au gharama hizo hazitazidi zile ambazo ungelipia ikiwa ingekuwa kesi mahakamani. Pia tutalipia ada na gharama za ziada ikiwa inaagizwa na sheria za msuluhishaji au sheria husika;
- Kwa ombi la mhusika yeyote, mchakato wote wa usuluhishaji utafanywa kwa usiri mkubwa na, hivyo basi, hati zote, ushahidi wote, na rekodi zote zitapokewa, kusikizwa, na kuhifadhiwa na msuluhishaji kwa siri na kufungiwa, na kuweza kufikiwa na wahusika pekee, mawakili wao husika, na wataalam wao husika, washauri, au mashahidi ambao wamekubali, hapo awali na kwa maandishi, kupokea maelezo hayo yote kama siri ili kutumiwa kwa malengo pekee ya mchakato wa usuluhishaji;
- Kando na kesi za kundi na suluhu zilizojadiliwa katika Makubaliano haya ya Mchakato wa Usuluhishaji, msuluhishaji ana

mamlaka ya kutoa suluhu yoyote ambayo vinginevyo ingepatikana mahakamani;

- Uamuzi wowote wa fidia inayotuzwa na msuluhishaji unaweza kukubalika katika mahakama yoyote yenye mamlaka adilifu; na
- Ikiwa hitaji la kufanya Mchakato wa Usuluhishaji au kukataliwa kwa kesi za kundi na Migogoro mingine iliyoletwa kwa niaba ya wahusika wengine walio katika Makubaliano haya ya Mchakato wa Usuluhishaji litapatikana kuwa haliwezi kutekelezeka, basi ni vipengele pekee ambavyo haviwezi kutekelezeka vitakavyochukuliwa kuwa vimeondolewa kutoka kwenye Sheria hizi na majukumu yote yanayosalia katika Sheria hizi yataendelea kutekelezwa kikamilifu.

Haki ya Kujiondoa ya Siku 30. Una haki ya kujiondoa na kutofungwa na Makubaliano haya ya Mchakato wa Usuluhishaji kwa kutuma barua pepe kutoka kwa anwani ya barua pepe ambayo ulitumia kusajili programu yako na ikiwa na Mada ya: "ARBITRATION AND CLASS ACTION WAIVER OPT-OUT. Ni lazima utume barua pepe yako ndani ya siku 30 baada ya kukubaliana na Sheria hizi, kando na hivyo utalazimika kutumia mchakato wa usuluhishaji ili kusuluhisha Migogoro kulingana na masharti ya Makubaliano haya ya Mchakato wa Usuluhishaji. Ukijiondoa kwenye Makubaliano haya ya Mchakato wa Usuluhishaji, Worldcoin pia haitafungwa na masharti yake.

Mabadiliko kwenye Makubaliano haya ya Mchakato wa Usuluhishaji. Tutakupa ilani ya siku 30 ya mabadiliko yoyote kwenye sehemu ya Sheria hizi iliyo na kichwa "Usuluhishaji Migogoro, Mchakato wa Usuluhishaji na Uondoaji Kesi ya Kundi" kwa kukupatia ilani, na mabadiliko hayo yataanza kutumika siku 30 baada ya kupokea ilani kutoka kwetu. Mabadiliko kwenye sehemu ya **Usuluhishaji Migogoro, Mchakato wa Usuluhishaji na Uondoaji Kesi ya Kundi** yatatumika tu kwa Migogoro inayoibuka baada ya siku ya 30. Ikiwa mahakama au msuluhishaji ataamua kwamba mabadiliko kwenye sehemu hii hayawezi kutekelezwa au si halali, basi mabadiliko hayo yataondolewa kwenye Sheria hizi nayo mahakama au msuluhishaji atatumia masharti ya toleo la kwanza la Makubaliano ya Mchakato wa Usuluhishaji yaliyoanza kutumika baada ya kuanza kutumia Huduma. Unaweza kutumia haki yako ya kujiondoa kwenye masharti mapya ya Makubaliano ya Mchakato wa Usuluhishaji kwa kufuta utaratibu uliobainishwa katika sehemu iliyo hapa juu kwa kichwa "Haki ya Kujiondoa ya Siku 30."

Makubaliano haya ya Mchakato wa Usuluhishaji yataendelea kutumika hata Sheria hizi zikisitishwa, na wewe kuacha kutumia Huduma.

Bila kujali chochote kilicho katika Makubaliano haya ya Mchakato wa Usuluhishaji, mhusika yeyote anaweza kuanzisha kesi ya kumwondolea wajibu ili kusitisha matumizi bila idhini au matumizi mabaya ya Huduma, au ukiukaji wa hakimiliki (kwa mfano, alama za kibiashara, siri za kibiashara, hakimiliki, au haki za hataza) bila kwanza kuhusisha mchakato wa usuluhishaji au mchakato usio rasmi wa kusuluhisha migogoro ulioelezwa hapa juu.

Hakuna Kuondoa Haki; Ubaya; Kutoweza Kupewa Jukumu. Sisi kushindwa kutekeleza kipengele si kuondoa haki yetu ya kufanya hivyo baadaye. Ikiwa kipengele fulani kitapatikana kuwa hakiwezi kutekelezeka, vipengele vinavyosalia vya Sheria hizi vitasalia kutumika kikamilifu na kipengele kinachoweza kutekelezeka kitachukua nafasi hiyo ili kuonyesha jitihada zetu kadri iwezekanavyo. Hauwezi kupeana haki zako zozote chini ya Sheria hizi, na jaribio lolote la kufanya hivyo litakuwa bure. Worldcoin inaweza kupeana haki zake kwa mshirika wake yeyote au kampuni yoyote yake tanzu, au kwa mrithi yeyote kwa ajili ya shughuli yoyote inayohusiana na Huduma.

Makubaliano Yote Kamili. Makubaliano haya yanajumuisha makubaliano yote na kamili baina yako na Worldcoin kuhusiana na Huduma na yana nguvu kuliko maelewano, makubaliano, uwakilisho, na hakikisho zote za hapo awali, kwa maandishi na matamshi, kuhusiana na Huduma. Vichwa vya sehemu mbalimbali katika Sheria hizi ni vya kurahisisha mambo tu na havitatawala maana au ufafanuzi wa kipengele chochote.

Marekebisho. Tunaweza kurekebisha au kubadilisha Sheria hizi kwa kukutumia ilani, na Sheria zilizorekebishwa zitaanza kutumika wakati huo. Ikiwa haukubaliani na marekebisho hayo, suluhu yako pekee ni kuacha kutumia Huduma. Unakubali kwamba hatutakuwa na dhima kwako au kwa mhusika mwingine kwa ajili ya marekebisho yoyote au usitishaji wa Huduma, au uahirishaji au usitishaji wa ufukiaji wako wa Huduma, isipokuwa kwa kiwango ambacho kimebainishwa moja kwa moja katika Sheria hizi.

Kudumu. Vipengele vyote vya Sheria hizi kuhusiana na uahirishaji au usitishaji, madeni kwa Worldcoin, matumizi jumla ya Huduma, Migogoro na Worldcoin, na pia vipengele ambavyo vinazidi wakati wa usitishaji wa Sheria hizi, vitadumu hata baada ya usitishaji wa Sheria hizi.

Uhusiano wa Wahusika. Hakuna kitu chochote katika Sheria hizi kitachukuliwa au kinakusudiwa kuchukuliwa, wala kitakachokufanya na Worldcoin kuchukuliwa kuwa wabia, wanabiashara wenza, au vinginevyo kama washirika wa pamoja katika faida, na wewe wala

Worldcoin hamtachukuliwa kuwa ajenti wa yule mwingine. Hii inajumuisha kwamba hakuna kitu chochote katika Sheria hizi kinaweka au kinakusudiwa kuweka uhusiano wowote wa ajira baina yako na Worldcoin.

Hakuna Majukumu ya Ushauri wa Kitaalamu au Kifedha. Maudhui yote yanayotolewa nasi ni ya malengo ya kimaelezo pekee na hayapaswi kuchukuliwa kama ushauri wa kitaalamu. Haupaswi kuchukua, au kutochukua, hatua yoyote kwa sababu ya maelezo yaliyo katika Sheria hizi. Kabla ya kufanya maamuzi yoyote ya kifedha, kisheria, au mengine yanayohusiana na Huduma au Sarafu zozote Zinazoruhusiwa, unapaswa kutafuta ushauri huru wa kitaalamu kutoka kwa mtu ambaye ana leseni na amehitimu katika nyanja ambayo ushauri huo unafaa. Sheria hizi hazikusudiwi, na hatengenezi wala kutuwekea majukumu yoyote ya kifedha. Kwa kiwango kamili kinachoruhusiwa na Sheria, unakiri na kukubali kwamba hatuna majukumu au dhima za kifedha kwako au kwa mhusika mwingine yeyote, na kwamba kwa kiwango ambazo majukumu au dhima hizo huenda zikakuwepo kisheria, majukumu au dhima hizo zimekanushwa, kuondolewa, na kutupiliwa mbali jinsi isiyoweza kubatilishika. Aidha unakubali kwamba wajibu na majukumu pekee ambayo tuko nayo kwako ni yale ambayo yamebainishwa moja kwa moja katika Sheria hizi.

Ushuru. Ni wajibu wako kubaini, ni ushuru upi, ikiwa upo, unatumika kwa ajili ya matumizi yako ya Huduma au umiliki wa WLD au Sarafu zingine za Kidijitali, na ni wajibu wako kuripoti na kulipa ushuru sahihi kwa mamlaka sahihi za ushuru. Worldcoin haina wajibu wa kubaini kama ushuru unatozwa miamala ya Sarafu zako Zinazoruhusiwa, au wajibu wa kukusanya, kuripoti, kutoza, au kulipa ushuru wowote unaoibuka kutokana na miamala hiyo.

Mabadiliko kwenye Udhhibiti. Endapo Worldcoin itanunuliwa au kuungana na shirika lingine, au vinginevyo kupeana majukumu mengine kwa shirika husika au linalorithi au shirika lingine ambalo Worldcoin itaona ni kwa maslahi bora ya Watumiaji, basi tunahifadhi haki, katika tukio lolote kati ya matukio haya, ya kuhamisha au kupatiana Data ambazo tumekusanya kutoka kwako kama sehemu ya muungano huo, kunukuliwa huko, uuzaji huo, au badiliko nyingine kwenye udhibiti.

Mambo Yasiyotarajiwa na Yasiyoweza Kudhibitiwa. Hatutawajibikia kuchelewa, utendakazi duni, au huduma kudakizwa ambao moja kwa moja au vinginevyo kunapelekea mabadiliko makubwa sokoni katika thamani ya Sarafu Zinazoruhusiwa, tendo lolote la Mungu, matendo ya mamlaka za kijamii au kijeshi, matendo ya magaidi, usumbufu wa umma, vita, mgomo, dharura ya afya, mgogoro wa leba, moto, mawasiliano ya simu au huduma za Intaneti na huduma za mtandao kudakizwa, vifaa au programu kutofanya kazi, au jambo au hali yoyote ambayo haiwezi kudhibitiwa (kila moja, “Tukio la Mambo Yasiyotarajiwa na Yasiyoweza Kudhibitiwa”). Utokeaji wa Tukio la Mambo Yasiyotarajiwa na Yasiyoweza Kudhibitiwa hautaathiri uhalali na uwezo wa kutekelezeka wa kipengele chochote kilichosalia cha Sheria hizi.